

SL-NA ELORRIETA

I.I.D.E.: _____.

Izpegi – Olate – Nekaitz – Elorrieta – Nekaitz - Izpegi

Luzeera: 6,250 km

Desnibela: 300 mt

Zailtasuna: ERTAINA

Elorrietako lepora ibilbidea, Auza mendiko magalean, bertako gunee megalitikoak (harrespilak, gehien bat) bisitatuz. Bidexkatik igoera aldapatsu ondoren, Olateko bizkarreko ikuspegi zabalak gozatuko ditugu. Nekaitz eta Elorrieta lepoen arteko tartea eremu zabala eta belartsua zeharkatu, udan hainbat aziendaren bazkaleku. Itzulian, Olateko hamildegiko bidexkatik, ohian eder eta basa ikusi ahal izanen dugu.

ABIAPUNTUA > Izpegiko Gaina (670 mt), Erratzu-Baigorri NA-2600 errepidean; bertan badira 2 ostatu –benta eta aparkaleku zabala.

OHARRAK

- Ibilbideak 150 mtako tarte zaila du (5,625 km-an, Olateko hamildegian), eguraldi txarrarekin oso irristakorra era arriskutsua suertatzen ahal dena. Arren, abiatu aurretik, zihurtatu haren egoera.
- Xorilepo-Elorrietako lepoan, hainbat ibilbide balizatu elkartzen da. Halaxe, bertan Auza mendiko igoera hasten da. Erne seinalizazioari.

DESKRIBAPENA

0,000 km: IZPEGIKO GAINA, aparkalekua. “Izpegiko Benta”ren gibeletik Olate mendiko magaletik (mendebaldekoa) bide zabala, basoan sartzen dena.

0,220 km: Ur biltegia, Izpegiko bentak hornitzekoa. Bidea bidexka bihurtu eta basotik ateratzen da; igoera pikua mendi magaletik eta iralekuetan barna. Harritzar ikusgarriak eta Baztangoiza (Baztango “koartela”: Erratzu, Arizkun, Azpilkueta eta Amaiur herriek osatua), Auza mendia eta Gorramendiko ikuspegi ederrak.

1,050 km: OLATEKO BIZKARRA (830 mt) eta igoera pikua bukaera. Eskuinetik (H.>) segi, ehizi postuen ondotik. Pagadian sartuta, 150 metro geroxeago, Olateko lepoa pasa; harritzar ikusgarriak.

1,650 km: OLATEKO ATEA (900 mt), basoan barna igo eta gero. Ibilbidearen punturik altuena. “Atea” harrian eskuz zabalduriko atea edo pausua da. Nekaitz, Elorrieta-Xorilepo eta Auza mendiko ikuspegi zabalak. Inguru honetan burni mineral ugari, aspaldiko hustirapenaren lekuko. Mendi larreko bidexkan barna jeitsi (H.M.>).

2,060 km: NEKAITZEKO LEPOA (814 mt), zabal eta belartsua. Harresi eroria eta bidegurutzak: ezkerretik, Izpegirako bidea, Olateko hamildegitik (itzultzeko bidea); zuzenean, mendian gora, Nekaitzeko harrespilera. Esquinera jo (M.>), harresiaren ondotik eta lizardi batean dagoen borda erori baten ondotik pasatuz. Bide zelai eta zabala.

2,440 km: Eskuinean, Erratzuko bidearen konfluentzia eta Bordazar ardi borda, harresi baten barruan. Zuzen segi, bide zabaletik, erreka gurutzatuz. Malda labur eta pikua egin ondoren, pista eta bifurkazioa: eskuinetik, borda batera; ezkerretik igo, azken 65 mt eginez.

2,750 km: XORILEPO-ELORRIETAKO LEPOA (830 mt), zabal eta belartsua; bertan Bankatik datorren bide asfaltatua. Bidegurutzeta: eskuinetik (M.>), Auza mendiko igoera pikua eta Banka-Baigorri ibilbide balizatua (asfaltatua); zuzenean (H.>), Bankako bide asfaltatua. Ibilbidea segitzeko ezkerrean jo (E.>), mendi bizkarretik, ibilgailuen markak segituz.

2,825 km: Bideak ELORRIETAKO GUNE MEGALITIKOA gurutzatzen du; trikuharri batek (*IKUS: 235. fitxa*), bidearen ezkerrean, eta 21 harrespilek (*IKUS: 236-253 fitxak*), gehienak eta ikusgarrienak eskuinean, osaturiko multzo ikusgarria.

3,050 km: Mendi bizkarraren norabidea utzi eta ezkerretara (I.>) igo, Elorregiko kaskoaren magaletik eta beti ere Espainia eta Frantzia estatuen mugariak eskuinean utzita.

3,290 km: Aska eta ur biltegia, eskuinean. Mendi bizkarretik berriz, 50 mt aurrerago Nekaitzeko harrespila (*IKUS: 231 fitxa*) eta "99" mugaria (860 mt). Bizkarretik eta mendi larretan jeitsi.

3,770 km: NEKAITZEKO LEPOA (814 mt), zabal eta belartsua. Harresi eroria eta bidea gurutzeta: zuzen, Olateko bizkarrera (etortzeko bidea); ezkerretik, Elorrietako lepora. Eskuinera jo (E.>), ehizi postuen ondotik jeitsi. Bidexka argia.

4,350 km: Bidea pagadian sartzen da, Olateko magaletik, zelai zelai. Tarte honetan hainbat burni arrasto ikusgai.

5,055 km: Eskuinean, harri zorrotza, Olateko hamildegi ikusgarria erakusten duena. Gora behera batzuekin, bideak zuzen segitzen du.

5,625 km: Bidearen zigi-zaga, 150 mtako tartean. Harri solteak eta irristatzeko arriskua.

5,905 km: Egurrezko gurutzeta; 100 mt geroxeago, basotik atera eta iralekutik segi. Eskuinetik, Baigorriara jeisten den bidea utziko da.

6,250 km: Malda txiki bat eta gero, IZPEGIKO GAINA (670 mt). Aparkalekua; ibilbidearen hasiera eta bukaera.